

# **Corporaziun Alp Gannaretsch**



**Statutas**

## I. **Determinaziuns generalas**

---

### **Art. 1 Intent**

Sin fundament dil regulativ d'agricultura dalla vischnaunca da Medel/Lucmagn vegn relaschau las suandontas statutas. Questas statutas vulan promover ils intents da guder, tgirar e mantener las alps.

### **Art. 2 Survigilonza**

La survigilonza cumpeta als ugaus dallas alps ed al gerau d'agricultura ensemens cun il revisur da quen dallas alps. Il gerau d'agricultura fa part allas radunonzas dallas alps.

### **Art. 3 Administraziun**

Il gerau d'agricultura ensemens cun il revisur da quen revedan tut ils quens dallas alps.

### **Art. 4 Ugaus**

Ils ugaus vegnan elegi dalla radunanza dall'Alp Gannaretsch e quei per temps nunlimitau. La laver dils ugaus sa vegnir repartida.

Ils ugaus sco era ils ulterius ufficials d`alp san remetter lur uffeci mintgamai sin la fin digl onn. La visada sto vegnir inoltrada all`administraziun d`alp sil pli tard entochen la fin da schaner digl onn da demissiun.

Ils ugaus ein responsabels per gl'entir menaschi d'alp. L`invitaziun alla radunanza da rendaques sto silmeins succeder 8 dis avon. Ella sa succeder persunalmein ni cun publicar el fegl ufficial.

Il quen sa era vegnir menaus d`ina tiarza persuna.

### **Art. 5 Cumissiun da nuorsas**

La cumissiun da nuorsas secumpona da 3 – 5 commembers exclaus ils ugaus. Il ugaus fan medemamein part a quella cumissiun.

Ils commembers dalla cumissiun da nuorsas vegnan elegi dalla radunanza da rendaques.

## **II. Specia d'animals**

---

### **Art. 6 Specia d`animals**

L'Alp Gannaretsch vegn cargada cun nuorsas.

### **Art. 7 Utilisaziun dall'alp**

Per l'alp vala in'alpegiaziun maximala da 213.79 N.S.T.

### **Art. 8 Aquens**

Ils ugaus san, tenor basegns, incassar suenter la cargada in aquen. L'altezia dalla summa stat libra als ugaus da decider.

### **Art. 9 Pustretschs**

Per animals che van la stad alla malura ei buca da pagar pustretsch.

Ils pustretschs ed ils aquens ein da pagar enteifer 30 dis. Per tuts pagaments suenter quei termin vegn incassau in tscheins da retard tenor las normas cantunalas.

### **Art. 10 Giesta d'animals**

Sin il di dalla cargada sto mintga pur purtar ils documents tenor prescripziuns dil cantun.

### **Art. 11 Cargar**

Mintga pursanavel ei sez responsabels che ses animals vegnan en l'alp.

Tuts animals ston esser tier la cargada nudai cun ina numera partida tier dall'alp + TVD.

Cu cargar decida la cumissiun da nuorsas ensemens culs ugaus.

### **Art. 12 Cass da neiv**

En cass da neiv ei mintga pursanavel obligaus da setener vid las ordinaziuns dils ugaus. Quels decidian sur d'ina eventuala scargada dall'alp.

### **Art. 13 Scargada**

Animals che vegnan pri ord l'alp avon temps ston vegin annunziai al pastur.

Il datum dalla scargada vegn fixaus dalla radunanza da rendaquer.

Tier la scargada ei mintga pursanavel d'animals obligaus da controllar l'identitad da ses animals.

Il di dalla scargada san ils animals vegrav zavrai mo a Platta.

Controlla vegn organisada dils ugaus.

#### **Art. 14 Animals suenter temps**

Il pastur ei obligaus da registrar mintga animal che banduna e tuorna en l'alp tut tenor prescripcziuns dil cantun.

#### **Art. 15 Animals malsauns**

Ils ugaus san examinar tier la cargada la sanedad dils animals (zoppadad, infecziuns digl iver eav.) ed eventualmein refusar els. Il possessur dils animals sto tractar els ni sa remplazzar els.

Animals malsauns che vegnan annunziai dil pastur ston vegnir tgirai immediat e sch'ei basegna ston tals vegnir scargai. Cuosts da tractament e transport vegnan mess a quen al possessur dils animals.

Ils ugaus orienteschan il pastur tgei ch'ei d'interpretender per animals blessai ni per tals ch'ein ira a frusta (survetsch da salvament).

#### **Art. 16 Medicaments**

Ils ugaus procuran per in'apoteca adattada.

#### **Art. 17 Bogns**

Il bogn da peis e launa sto vegnir fatgs tenor prescripcziuns dil cantun.

#### **Art. 18 Prescripcziuns cantunalas d'alpegiaziun**

Ils ugaus procuran che las prescripcziuns cantunalas d'alpegiaziun vegnan observadas.

#### **Art. 19 Scamond da pasculaziun**

La pasculaziun dil territori d'uaul ei scumandada. Il contract da servitut impurtaus el cudisch funsil dalla vischnaunca e las disposiziuns ella planisaziun forestala fixeschan ils detagls (art. 25 dil reglament forestal).

### **III. Lavor cumina**

---

#### **Art. 20 Intent**

Gl'intent ei oravontut da schubergiar, tgirar, migliurar ed engarschar las pastiras communalas e las pastiras d'alp, sco era il manteniment dils passadis e dils buntadés.

Las uras da lavor cumina vegnan indemnizadas tenor il reglament da salarisaziun da vischernaunca.

Lavurs da manteniment san vegin annunziadas alla vischernaunca tenor art. 24 dil reglament d'agricultura. Per saver far diever dil conto da manteniment communal ston ils ugaus presentar ina calculaziun detagliada dils cuosts al gerau d'agricultura ed al revisur da quen.

L'indemnisaziun succeda suenter l'investa dallas lavurs ed il consentiment dil gerau d'agricultura e dil revisur dallas alps.

#### **Art. 21 Uras cun maschinas**

Las uras cun maschinas vegnan indemnizadas tenor la tariffa dalla FAT.

#### **Art. 22 Organisaziun controllo**

Ils ugaus ni ina persuna engaschada specialmein per quei intent survigileschan la lavor cumina e meinan cudisch sur dallas uras prestadas. Els repartan las lavurs e controlleschan ellas. Ei vegn mo renconuschiu las uras e las lavurs che vegnan ordinadas dils ugaus.

#### **Art. 23 Persunas**

Lavurs da giuvenils denter 12 e 15 onns quentan mo sco mesa prestaziun.

#### **Art. 24 Viadis**

Ils viadis en l'alp ed anavos cun auto quentan buca sco temps da lavor. Viadis a pei sin vias buca carrablas valan sco temps da lavor.

#### **Art. 25 Leschas surordinadas**

Cun la pasculaziun e la tgira dallas pastiras eis ei da risguardar las leschas surordinadas sco las leschas per la protecziun dallas auas, per il schurmetg dallas palius ni las disposiziuns executivas dallas contribuziuns dall'alpegiaziun. Las seivs construidas per da quels intents ein da survigilar da quels che fan diever dalla seiv.

## **IV. Pertgirar ora las alps**

---

### **Art. 26 Alp Gannaretsch**

Els Plauns a S. Gions ei tutta pasculaziun scumandada. Sigl ulteriur territori d'alpegiaziun dall'Alp Gannaretsch ei tutta pasculaziun scumandada per animals gronds. La seiv stabla sto l'alp mantener.

## **V. Indemnisaziuns per funcziunaris**

---

### **Art. 27 Indemnisaziuns**

La paga fixa munta a frs. 300.-- e cuntegn las suandontas lavurs:

- pladir la fumeglia cun:
  - > far in contract a scret
  - > annunziar alla cassa da malsauns
  - > annunziar alla SVA
- organisar la lavur cumina
- annunziar l'alpegiaziun

La lavur per menar il quen vegn indemnizada cun frs. 1'000.--.

## **VI. Determinaziuns finalas**

---

### **Art. 28 Camp d'applicaziun**

Questas statutas cumpletestan il reglement d'agricultura dalla vischernaunca da Medel/Lucmagn che vala sco lescha surordinaria.

### **Art. 29 Midadas**

Propostas per midadas da questas statutas ston vegnir inoltradas a scret al gerau d'agricultura ni agl ugau dall'alp.

### **Art. 30 Dretg da recuors**

Encunter conclus dalla corporaziun sa vegnir recurriu enteifer 20 dis tier la suprastanza communal.

## **Art. 31 Vigur**

Quellas statutas ein vegnidas approbadas dalla radunanza da rendaques della corporaziun dils 09-04-2014 e dalla suprastonza communal a caschun dalla seduta dils 10-04-2014.

Cun la vigur da questas statutas ein tuts anteriurs reglements per l'Alp Gannaretsch dalla vischnaunca da Medel/Lucmagn cassai.

**Alp Gannaretsch**

Gl'ugau:

Gl'ugau:

**Suprastonza communal**

**Vischnaunca Medel**

Il president:

Igl actuar:

Adrean Giger

Otto Venzin

Peter Binz

Valentin Pally